

6 luna di prison a worde existi

AMERICANO KIER A HIT DIFERENTE CASINO USANDO CREDIT CARD FALSO

Mas di 20 Mil Dollar a keda confisca

ORANJESTAD(AAN) -- Ayera Corte den Promer Instancia a trata e caso penal contra e homber Americano D.H., kende ta ser acusa cu ariba 23 y 24 di September 1994, el a malversa na diferente casino haciendo uso di credit cards falso y dos rijbewijs falso.

Segun e acusado, e no a haci nada malo. El a splica Juez Juez cu na Merca el a bay na un oficina di Discover situa den un mall y a papia cu un supervisor en cuanto e posibilidad pa saca un credit card.

Segun D.H., como cu e 21 aña y e regla ta cu bo mester tin 25 aña pa saca un credit card, e supervisor a consehe pa si e kier saca un credit card toch e mester tin referencia. D.H. a muestra cu mayoman di su amiga lo por para garantia, pues esey no ta un problema.

E supervisor a bisa D.H. cu e unico manera pa e haya un credit card ta door di traha esaki ariba un otro nomber y pa laga traha rijbewijs ariba un otro nomber pero cu su foto ariba.

Juez mr. Behrens a remarca cu loke D.H. a caba di declara kiermeen cu e supervisor di Discover a manda D.H. pa falsifica credit card y rijbewijs.

Mr. Behrens a keda masha straña ora cu D.H. a bisa cu en realidad no ta falsifica ya cu el a usa e rijbewijsnan falsifica solamente como un medio di identificacion ora e usa e credit card y cu esaki no ta un delito.

Juez a remarca cu ta increíble cu autoridadnan Americano ta acepta rijbewijs falsifica.

Mr. Behrens a bisa D.H. cu e declaracion cu e ta duna den Corte ta completamente otro cu esun cu el a duna na Polis.

Na Polis, D.H. a declara cu el a ser acerca pa un persona kende a ofrece credit cards pa 1000 Dollar. Despues di a compra esaki, D.H. a bay laga traha rijbewijs falsifica. El a laga traha dos rijbewijs falso y a usa esakinan na Aruba. D.H. a bisa

Juez cu e declaracion ey no ta esun corecto. El a sigui bisa Juez cu e no ta haya cu el a comete un delito y cu su abogado mr. Zara a confirma cu Discover a paga loke el a tuma na e casinonan.

Fiscal a bisa Juez cu e ta haya legalmente proba cu D.H. a usa dos rijbewijs falso y tambe cu el a usa credit cards falso pa asina saca placa for di e casinonan.

Fiscal a indica cu ta a base di e rijbewijsnan cu D.H. a usa den casinonan, e empleadonan a constata cu esaki tabata falsifica y a bati alarma.

Investigacion ta muestra cu na Augustus 1994, D.H. a haya e credit cards y dia 23 di September el a viaha pa Aruba cu solamente 200 Dollar den su poder.

Ta asina cu D.H. a yega

Aruba 9.30 or di anochi y pa 10'or ya el a cuminsa colecta placa pa medio di e credit cards falso den diferente casino.

Dia 24 di September, e mesun tiro. Tabata mas o menos 10.40 or di anochi cu Polis a detene.

Fiscal ta kere cu D.H. su intension tabata pa hit diferente casino na Aruba y despues baha na awa.

Fiscal a bisa Juez cu tin tur indicacion cu e carchi di Discover ta falsifica. E ta haya e caso aki uno hopi serio y castigable.

Segun Fiscal, afortunadamente Polis a logra haya tur e placa y a paga e casinonan nan correspondiente placa bek y no ta asina cu ta Discover a paga esakinan manera D.H. a laga sa. El a existi 6 luna di prison kitando e tempo cu D.H. a pasa den detencion preventivo

Tambe Fiscal a pidi pa destrui tanto e credit cards como e rijbewijsnan falsifica y pa confisca e placa o sea e mas cu 20 Mil Dollar y pa debolbe D.H. 200 Dollar, cu ta e suma cu el a drenta Aruba cune.

Abogado mr. Zara a bisa Juez cu ariba indicacion di e supervisor, su cliente a laga traha tanto rijbewijs como credit cards falso. E abogado a indica cu un di e casinonan a haya su placa y por asumi cu Discover a cubri e gasto na e otro casinonan tambe. E ta haya cu ya cu Discover a paga, no por papia aki di un delito. El a admiti cu su cliente tabatin rijbewijs falsi-

fica pero esaki no cu intension malo.

Mr. Zara no ta di acuerdo cu e exigencia di Fiscal. El a bisa Juez cu e mes a bay averigua na un di e casinonan y el a worde informa cu e placa a worde paga.

Juez a mostra mr. Zara cu den e proces verbal di Polis ta para bon cla cu e placa confisca a worde debolbe na e casinonan. A bin resulta cu mr. Zara su proces verbal no tabata completo o sea falta mas pagina. Ora el a mira cu en berdad Polis a parti e placa, e no por a duna mas comentario.

Juez a cera tratamiento di e caso y dia 16 di December e lo dicta sentencia.

FALTA
7 DIA

EXPO GAS '94

BIEU, PERO NO KENS!!!

